

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Erika Täuber: Grötter ...

urn:nbn:de:gbv:45:1-5285

*Dat Lied geiht hochbeent dör den Saal,
so seut, so driest,
so groff un fien,
so schämerig un frech,
so utkockt un so simpel
un swankt un jankt
un wippt un wappt
as Sägel up de güllen Wellen.*

... Dat is de Sang van Leeve ...

*De Storm breck los van dusend Han'n,
dat Jungvolk jucht
un quick un larmt
un wenkt un lacht,
stigg up de Diske
un tritt un trampelt,
de Wände bävert in 'e Grund.*

*Sietaf in 't Höcksken
sitt dann de Star
un smüstert ... smüstert ...
un wasket sik de Ogen,
twee Steern in düster Nacht ...*

*So grot un greun se uplücht't,
so drocke sackt se in dat Düster
as Novas in den blauen Dom.*



Grötter . . .

VON ERIKA TAUBER

*Over den eegen
Schadden springen!
Oh, wo giern
wull ik dat!
Man jümmers,
wo faken ik dat
ok versöken dee,
weer de Schadden
grötter as ik!*

De Leiwams

VON ERIKA TAUBER

*Kumm ik nich vandaogen,
so kumm ik doch morgen!
Wat schall ik mi plaogen,
wat schall ik mi sorgen?
Laot de annern man jachtern,
de sünd ja heel fix! —
Jan-Bernd bleew wiet achtern,
keem sien Leevdag to niks!*